

宜君縣志

卷一

地理

沿革

疆域

形勝

物產

風俗

人物

藝文


職官


選舉

學校

宗教

雜錄





縣治

五里鎮

民后店舖
行道卸路

德農坊

雷原鎮

宜君縣志序

鄜延一路爲陝西北門筦鑰其
最南與京兆界者宜君也洛水
流其隈玉華諸山含秀於內蓋
當用武之國本力穡之訓而自
遠於五陵豪侈之風者乎明季

序

榆鎮宿駐重兵延民大困鄜坊
皆非唐宋之舊何歎於宜迨至
我

朝者定三秦休養生息幾及百年
而宜之士田生殖且有濟於同
之韓澄宜之人物軒昂且欲駕

於耀之同白宜之備禦足以南
護金鎖西塞石門宜雖蓂爾亦
可覘與教致治培植者心苦而
從風服訓嚮榮者氣盛矣獨是
紀載散佚誌乘闕如不惟採風
者無所據卽守土者亦末由披

序

二

釋於是前署令三原丞查侯遴
草創之繼署事今武功令宗人
華嘗襄事省誌館復加脩飾之
斐然成帙申請於通誌館以求
駿正青乃句櫛字汰訖復於吾
宗人曰凡爲治者莫不言因地

制宜而地宜之何若究之或得其大槩而未悉其纖微或傳其疑似而罔考其洞澈以此見之措施固不能省括命中卽留心治務者欲每事鑿辨亦不勝其瘁此志之輯如縮宜於几案間

序

三

以供一覽而上下古今盛衰興廢莫不備焉由此而張弛損益各協其地之宜若鑑呈形若燭照夜不勞而集有舉必當風氣駸駸騰躍而上俾觀之者進於古三輔之列而陋唐宋之鄴坊

豈非斯志之作大有造於宜者哉

晉

雍正十年歲次壬子桂月望後
陝西督理糧儲鹽法道僉事加
二級紀錄四次沈青崖書於貢
序
院之精白堂



宜君縣志

目錄

縣圖

城圖

沿革

疆域

風俗

形勝

城池

鎮堡

古蹟

山川

公署

學校

坊表

倉場

精田

驛舖

關梁

戶口

地畝

站支

鹽法

兵制

廟祀

寺觀

宜君縣志

墳墓

職官

宦蹟

進士

鄉舉

貢選

武科

武職

人物

封廬

物產

藝文

宜君縣志

浙右沈寓舟先生鑒定

邑宰

沈

遊

氏纂輯

華紀榮氏訂正

關邑紳士仝校

沿革

漢為左馮翊殺羽縣地晉苻堅時置宜君護軍南北朝後魏改為宜君縣及置宜君郡隋開皇初郡廢為宜州唐貞觀十七年州縣俱廢二十年復置縣屬雍州永徽二年縣廢龍朔二年復置坊州天寶十二年析置昇平縣宋熙寧五年省昇平縣為鎮金屬鄜路坊州元至正四年廢坊州以縣屬鄜州明屬延安府鄜州

宜君縣志

國朝因之於雍正四年鄜州改直隸縣屬焉

疆域

縣境南北袤九十里東西廣二百六十里東至洛川界九十里至洛川縣一百八十里西至慶陽府環縣界一百七十里至環縣六百一十里南至耀州同官界三十里至同官縣九十里北至中部界六十里至中部縣七十里東南至耀州白水界一百里至白水縣一百六十里西南至邠州三水界一百里至三水縣二百四十里東北至洛川界一百里西北至慶陽府正寧界一百一十里至正寧縣二百六十里北至鄜州二百一十里南至西安府省城三百

三十里至

京師二千六百六十里

風俗

山居穴處氣質樸野習尚勤儉而重農婦女間有紡織者
民貧地瘠輸納維艱延安古誌稱上疲

形勝

城據山巖地當孔要

城池

明景泰中主簿季仲和始築綠石滓難成及成化中縣丞
楊安依龜山之勢築削為上下城週圍五里三分高二丈
宜君縣志
五尺池深一丈上城門一南向失其名下城門二南向日
保障北向日金關至

國朝康熙十七年開知縣賈有福增脩後復頽圯止存門基
墻址今請重築

鎮堡

五里鎮縣東六十五里鎮去石堡五里石堡舊設縣治故
名東鄉講約所及社倉俱建設於此

石堡縣東七十里平原廣阜雉堞巍然明季曾設縣署

雷原鎮東南九十里

唐頭鎮縣西八十里鎮傍有七星墩故又名七里鎮南鄉

講約所設於此

馬欄鎮縣西一百二十里通慶湯界

烈泉鎮縣南三十里南鄉講約所設於此

備橋鎮縣北三十里北鄉講約所及社倉俱建設於此

古蹟

玉華宮縣西三十五里鳳凰谷內谷地九頃唐初建宮正殿五間覆瓦餘皆葺茅當時以爲清涼勝九成宮云後改爲寺寺內有蕭成殿元奘法師於此院譯經每言此寺乃閩洋之兜率天也杜甫有詩

昇平廢縣縣西北三十五里唐天寶間析置宋熙寧初省

宜君縣志

三

爲鎮舊有磬場

昇仙臺在縣西三十里焦砦村昔王老昇仙處士人云自

古此村不降雹

皇后里縣東九十里相傳古皇后故里

孟姜女泉在烈泉鎮相傳孟姜女携夫骨憇於此渴甚飾

哭有泉湧出故又名哭泉今名烈泉

山川

玉華山縣西南四十里唐太宗建玉華宮以此名山太宗避暑於此西有駐鑿崖東有石室其上懸泉勢若飛而名曰水潭其下卽爲醴醑泉泉水湧出成流而東

三教彭村入杜村河谷中娑羅數株綠陰映波旁有
影碑人物過之形影畢照相傳爲術士所壞宋熙寧間
於此山獲一角獸時以爲麟金於此置玉華鎮
太子山縣西南四十里世傳秦扶蘇築長城時所憇
龍尾山城西五里

太白山在縣西北八十里砂掌溝山上有太白廟廟前有
湫在一小盆內歲澇則濕旱則反滿祈禱取水於此無
不靈驗

秦山縣南九十里山勢綿亘西安界相傳秦苻堅田獵於
此

宜君縣志

四

香山縣西北十里多香草得名

龜山卽縣治上城

龍頭山城南十里

高脊嶺縣西南七十里

清風崖在雷原鎮東北冬不積雪

三井嶺城東南五里

石龍岩縣西三十里

仙宮岩縣西北六十里

真人洞在縣西七里鎮河兒溝石徑幽折崖岸奇古
芝蘭谷縣西十里多產芝草芬馥襲人

鳳凰谷縣西四十里常有五色雀翔於中因名

烽火原城南五里詩云烽火原中夜月明卽此地也

馬欄川縣西一百二十里源出慶陽南流入耀州合漆水
慈烏水縣西四十里源自子午嶺東流入杜村河合沮水
雷原鎮河縣東七十里發源於娘娘廟山諸谷中東流入
洛

五交河縣東北五十里縣之李家河賀家河與中部范家
河等三處共五水交合爲河行二十里抵十二盤入於
洛

姚渠川縣西七十里源出衆山彙而成川流入同官神水

宜君縣志

五

峽

雷聲溝縣東三十里源出縣之南山東歸於洛

漆水縣西北八十里源出慶陽界盧保嶺下經七里鎮流
至長祥村故又名長祥河合沮水相傳西屬宜君號漆
水東屬中部號沮水無攷

桃渠河縣西五十里發源建庄後山掌東北流至七里鎮
張家灣與漆水合

五里鎮河發源於西南諸谷東北逆流經焦家庵入於洛
仙人溝縣西四十里源卽出自玉華山後其水甚小一統
志言北入洛恐未能遠流也

燧泉在縣東七十五里文興村冬溫夏涼噴湧如珠
哭泉卽孟姜女泉

瀑布泉縣西四十里卽玉華山鳳凰谷內懸泉也
南泉城南里許一名四季泉以水色隨四時而變也有三
穴其味甘上下城人民俱於此汲飲焉

附列景致

烽火夜月

龍山曉霧

婆羅古樹

雷原清風

焦寨麥浪

瀑布飛泉

公署

縣署初在下城西北隅明洪武間縣丞王文輔建弘治間
知縣李相增修崇正辛未城陷燬於賊

宜君縣志

六

國朝順治十二年間知縣鄭名改建於上城龜山之顛康熙
十七年知縣賈有福增修正廳三楹西有二堂三楹年
久傾圮正廳前東有廂房五楹西有廂房六楹爲吏曹
所居儀門一座兩旁角門西角門前西爲土地祠又前
爲班房兩楹東角門前東爲圍圍又東爲庖廚後倉房
六間儀門外大門一座正廳後爲官舍淺小窄狹數椽
而已

典史宅向在上城後移於於下城西南隅
訓導宅在學宮南

署舊無順治初創建叅守二署俱在上城叅署居縣署
之西康熙十五年叅將張光煥復修大之守署在東北
隅千把皆無公署

學校

文廟在縣治東下城明洪武八年知縣金聲建背山臨街
規模狹隘大成殿五楹東西兩廡各三楹天順間知縣
范寧重修弘治間知縣李相增修

國朝順治初年知縣鄭名修葺康熙五年知縣周之簡重修
四十四年知縣林鑛增修雍正七年署縣事三原縣縣
丞查遴修築後墻雍正九年知縣沈華捐置祭器五副

宜君縣志

七

崇聖祠三楹在大成殿之北卽啓聖祠改建雍正元年

特旨追封

先師孔子五代俱贈王爵卽於祠內安設碑位春秋致祭

名宦祠在戟門之北

鄉賢祠在戟門之南

明倫堂三楹在文廟南齋廂尚缺堂後爲訓導宅

社學在學西明知縣范寧建久廢今暫設塾於學旁俟議

重修

坊表

都憲坊在中街爲都御史范輝立

西臺坊在中街爲御史王璵立

義坊在學東雍正七年署縣事三原縣縣丞查遴奉文爲歷朝節義婦氏立

仁明清正坊在南街爲署縣事三原縣縣丞查遴立

前任知縣

李良模王仕正俱有德政坊今無存

倉場

常平倉舊在鄉明成化間知縣王澤移於縣其後傾圮至國朝康熙四十四年間因積貯備賑糧石并支兵本色存剩餘糧無倉可貯知縣林鑽領帑銀於下城南門內建造倉廩共三十間迨後日漸傾圮雍正四年知縣毛汝訖

宜君縣志

八

又領帑銀改造南廩七間六年署縣事三原縣縣丞查遴奉文修建各郡縣倉廩又領帑銀改造東西兩廩一十五間外又捐俸建倉廳三間今新舊共有倉廩三十間倉廳三間

社倉雍正六年奉文令每州縣四鄉以村堡統計分社按社建倉設立倉正倉副以司出納官吏不擾聽民自便宜邑處萬山之中密穴爲多庄堡絕少而西南鄉尤甚是以止設社倉三座東鄉五里鎮一座計十間北鄉備橋鎮一座計十間俱係署縣事三原縣縣丞查遴督造共西南鄉併設在城一座計十一間則沈壩所承修也

萬曆九年王孫東外有明樓置於天立

康熙雍正五年奉

旨天下郡縣皆行耕耨禮重農事也六年署縣
縣丞查遷建立九年沈華重修

附舉報老農

雍正二年二月二十日奉

旨諭直省督撫朕惟四民以士為首農次之工商其下也漢
有力田孝弟之科而南齊子孫不得仕宦重農抑末之意
為近古今士子讀書砥行學成用世國家榮之以爵祿而農

宜君縣志

卷

九

民勤勞作苦手胼足胝以供租賦養父母育妻子其敦龐淳
樸之行豈惟工賈不逮亦非不肖士人之所能及雖榮寵非
其所慕而獎賞要當有加其令州縣有司擇老農之勤勞檢
核身無過舉者歲舉一人給以八品頂帶榮身以示鼓勵欽
此又雍正七年五月初七日吏部議覆廣西布政使張

奏嗣後州縣各官舉報老農不實照例降二

級調用加級紀錄不准抵銷受賄者以縣軍職照枉法
誣治罪老農營謀請托行賄者照以財行求與受同科

同加倍治罪如止情求而無行賄事定照曲法獨託公
事已行律治罪如倚恃職銜致為不法照應得之罪加